

嘉靖安溪縣志

安溪縣志卷之七

文章類

事以文叙道以文傳古今文章有出自

朝廷者曰大哉王言是也而名公詞翰弗夾於道者亦足以爲後日文獻之徵故首

宸翰次士翰爲文章類第九

宸翰

朝廷誥勅以褒崇臣子無間存沒恩至渥也安溪一邑而膺茲寵命竟數人焉表而錄之用

昭聖制

志宸翰

宋



勅封靖惠侯詹敦仁

朕惟禮教失而非鬼越望之祭徧郡國若畏壘之庚
桑齊杜之樂公是宜命祀安溪爲邑爾神實始而
從遜之樂民思之不忘寇曠苗癘禳祈響答以功
詔爵法當得封賜爾侯圭用彰清退惠利及民可
封靖惠侯

勅封靖貞侯詹珙

善善及子孫神人一也清隱之存履行願井渫不
食乃金玉焜耀橋梓相望侯雨寵綏國人庶有所

式亦惟能澤吾民集享丕祉承可用譽勿替將之
可封神子靖貞侯

國朝

勅贈雲南道監察御史詹璉

奉

天承運皇帝勅曰 朝廷待士之恩莫重于褒錫人子
報親之意莫切於顯揚顧惟風憲之良茂著激揚
之績肆推恩命奚間存亡爾詹璉乃雲南道監察
御史源之父早負才名素敦行檢邑庠育雋決科

一ノノ章卷之十
二
之志未酬家學傳芳教子之功斯顯蜚聲甲第列
職憲臺顧鼎釜之養既遘而風木之懷彌切宜頒
恤典以慰孝思茲特贈爲文林郎雲南道監察御
史庶其不昧之靈歆此至優之渥

勅雲南道監察御史詹源

奉

天承運皇帝勅曰國家設風憲之職以監察爲名內
肅百僚外巡群服于事未始不得預干言無所不
得陳顧責任之甚艱肆班行之特重匪茲才儁曷

稱簡求爾雲南道監察御史詹源天賦英姿人稱
偉器業工經術名起甲科首擢屬于民曹式精會
計載列官于臺憲丕振紀綱分城著督察之能按
部展激揚之志抗章剴切首進忠規律已清嚴茂
修名檢屬當大慶肇舉彛章預加褒錫之恩奚俟
陟明之考茲特進爾階文林卽錫之勅命於戲爲
政莫難於風紀已徵名績之良守官莫大於忠勤
勿替初終之節益臻來效以俟登崇欽哉

正德六年正月十八日

勅贈副兵馬指揮陳克熙

奉

天承運皇帝勅曰 人子報親之志莫切於顯揚

朝廷待士之恩莫重於褒錫此古今之通制豈存沒
之殊科爾陳克熙乃南城兵馬指揮司副指揮謙
之父蹟晦丘園家傳詩禮訓成令子官列司城既
遠祿養之榮宜示追崇之命茲特贈爲文林郎南
城兵馬指揮司副指揮尚期神爽之昭益迓寵光
之賁

勅副兵馬指揮陳謙

奉

天承運皇帝勅曰 國家于郡邑之內置兵馬之官所
以清肅坊遠窮許奸盜謹禁城之關鍵禦風火之
疎虞其職務爲甚繁其責任爲不易惟茲慎選務
在得人爾南城兵馬指揮司副指揮陳謙儒業起
家賢閔釋褐列官朝署分理郡城在公著幹濟之
能處已勵操持之志屬當考最宜示褒章茲特進
爾階文林郎錫之勅命爾其恪恭乃事毋玷厥身

八
文
清
卷
之
十
二
伴坊市肅清寇盜屏息尚臻來效以俟登庸錄哉

正德十五年 月 日

勅贈永清右衛經歷司經歷林昭

奉

天承運皇帝勅曰 國家推恩臣下必及其親者所以
重本而勸孝也亦何間於存沒焉爾林昭迺永清
永衛經歷司收糧經歷瑒之父慶鍾厥子祿養迺
遣揆其所自宜有褒嘉茲特贈爾徵仕郎永清右
衛經歷司收糧經歷靈其不昧尚歆承之

進階永清右衛經歷司經歷林瑒

奉

天承運皇帝勅曰 國家設兵衛以理軍政既以武臣
爲之長貳至其幕職亦必得人廼克有濟爾永清
右衛經歷司收糧經歷林瑒任職於斯式克勤慎
用是授爾階徵仕郎錫之勅命其益益廼以母息
厥事欽哉

嘉靖七年九月 日

勅贈南京鎮南衛經歷司經歷林敏

奉

天承運皇帝勅曰 凡群臣之能效力于在朝者則國家有錫命之典以推及其親所以邇其所自也爾林敏廼南京鎮南衛經歷司經歷珪之父能以善慶植家用貽其子子有位叙爾實啓之茲贈爾徵仕郎南京鎮南衛經歷司經歷告之泉壤以賁幽靈

進階南京鎮南衛經歷司經歷林珪

奉

天承運皇帝勅曰 凡衛之有幕官所以贊文檄而覈
簿會也南都諸衛則統領親軍以翊護舊京而制
重中外其體固不同矣而幕官亦得以通籍于朝
固榮選也爾南京鎮南衛經歷司經歷林珪明習
法條試政鉅邑廼擢茲任用以慎敬克舉攸司茲
當

廟典覃恩廼進爾階徵仕卽錫之勅命朕方宏播寵
釐以推施在廷不遺下位所以振勵能者酬其材
勞使皆得以蒙澤而自奮也爾尚勉盡厥思益祗

文華卷之七
迺績朕亦不遺于爾欽哉

嘉靖三十四年十二月初二日

士翰

夫文翰藝也而道寓焉安溪志所載凡古今詩文悉因舊而錄之蓋不敢有所擇也志士

翰

記

新建清溪縣記

詹敦仁

後周縣令

夫萬戶而置郡千戶而置邑古制也泉之爲郡古矣小溪場西距漳汀東瀕溟海乃泉之一鎮守也地廣二百餘里三峯玉峙一水環廻黃龍內顧以驤驕朱鳳後翔而飛翥土之所宜者桑麻谷粟地之所產者麀麀禽魚民樂耕蚕冶有銀鉄稅有竹木之征險有溪山之固兩

營之兵額管二千餘人每歲之給經費六萬餘貫地實
富饒是豈不足以置縣歟敦仁奉命以來視事之始既
嘉山川雄壯尤喜人物夥繁思築而縣之乃以狀請于
郡太守未幾而報可之令下增割南安近地新揭清溪
美名敬奉以還大懼弗稱矧新邑發崗自乾亥而來轉
勢從辛兌而入向丙巳以奉離明之化流寅甲以伸震
疊之威左環右接如抱如懷前拱後植若揖若拜折爲
四鄉一十六里通計一邑幾三千餘戶梓列以圖卜契
我龜當三農收歛餘暇適二營畚戍休閑便近之戶役

止三日而民不告勞築作之工計不踰年而兵不憚用
崇堅樓所以嚴其勢繩廊周宇所以處其吏屋不華而
加壯寢僅足以爲安居民鱗次雍雍然以和官廨翼如
濟濟而有辨由陸而至者必出其塗自水而運者會流
于下坐肆列卽貿通有無荷畚執筐各安職業土沃而
人稠風淳而俗朴真東南形勝之地實疆場衝要之區
也初經營於顯德大火之首冬遂落成於明年小春之
下泮苟完苟美不至侈矣曰庶曰富又何加焉其柰地
華人夷業儒者寡是豈教有未及者歟殆亦習俗有待

而化者歟豈知夫秦奢魏褊俗若未易以轉移夷清惠
和聞者尚能以興起顧在上之人所以作之者如何耳
敦仁不能遠引古者之說以爲喻請以鄉邦之事而昌
言之可乎爾閩之初人未知學自常公觀察以來有歐
陽四門者出豈曰彼能而我否孰謂昔有而今無蓋未
然者猶有所待而然未至者當有所勉而至齊變至魯
魯變至道盛事鼎來以峇山川之靈雄名日起以續龍
虎之號曰教之令固不敢不勉而從令之教尔邑之人
當交相勸勉以副令之願望猗歟休哉丙辰十月甲辰